

EMBASSY OF THE UNITED STATES OF AMERICA

PUBLIC AFFAIRS SECTION

TEL: 880-2-883-7150-4

FAX: 880-2-9881677, 9885688

E-MAIL: DhakaPA@state.gov

WEBSITE: <http://dhaka.usembassy.gov>



সংবাদ বিজ্ঞপ্তি

যুক্তরাষ্ট্র সরকারের “গ্লোবাল হেল্থ ইনিশিয়েটিভ প্লাস” রাষ্ট্রের তালিকায় বাংলাদেশের নাম অন্তর্ভুক্ত

ঢাকা, ২৩শে জুন -- যুক্তরাষ্ট্র সরকার “গ্লোবাল হেল্থ ইনিশিয়েটিভ প্লাস” নামে যে বিশের বিভিন্ন দেশে
স্বাস্থ্য সংক্রান্ত যে নতুন উদ্যোগ গ্রহণ করেছে বাংলাদেশকে সেই আটটি রাষ্ট্রের একটি হিসেবে নির্বাচিত করা
হয়েছে। “গ্লোবাল হেল্থ ইনিশিয়েটিভ” (জিএইচআই) যুক্তরাষ্ট্রের নেতৃত্বাধীন একটি বৈশ্বিক উদ্যোগ।

সহযোগী রাষ্ট্রগুলো যাতে স্বাস্থ্য সুরক্ষা ব্যবস্থা জোরদার করার মাধ্যমে তাদের স্বাস্থ্য বিষয়ক পরিস্থিতির আরো
উন্নয়ন ঘটাতে পারে সেজন্য যুক্তরাষ্ট্র সরকার বিভিন্ন কর্মসূচিতে ছয় বছরব্যাপী ৬ হাজার ৩০’ কোটি ডলার
বিনিয়োগ করবে। উন্নতমানের স্বাস্থ্যসেবা প্রদান ও সংক্রামক রোগ প্রতিরোধের মাধ্যমে এই বিনিয়োগ নারী,
নবজাতক ও শিশুদের স্বাস্থ্যের উন্নয়ন ঘটানোর ওপর বিশেষ গুরুত্ব প্রদান করবে। এই উদ্যোগের তালিকাভুক্ত
অন্য সাতটি রাষ্ট্র হলো -- ইথিওপিয়া, গুয়াতেমালা, কেনিয়া, মালাওয়ি, মালি, নেপাল ও রংয়ান্ডা।

এইচআইভি/এইড্স প্রতিরোধ, ম্যালেরিয়া, যক্ষা, মা ও শিশু স্বাস্থ্য, পুষ্টি, পরিবার পরিকল্পনা ও প্রজনন স্বাস্থ্যসহ
জিএইচআই’র প্রস্তাবনাগুলোর দ্রুত বাস্তবায়নের লক্ষ্যে এই রাষ্ট্রগুলো অতিরিক্ত প্রযুক্তিগত ও ব্যবস্থাপনা সংশ্লিষ্ট
সহায়তা হিসেবে পাবে। যুক্তরাষ্ট্র পররাষ্ট্র দফতর, যুক্তরাষ্ট্র আন্তর্জাতিক উন্নয়ন সংস্থা (ইউএসএআইডি) ও
যুক্তরাষ্ট্র স্বাস্থ্য ও মানব সেবা দফতরের এক যৌথ সংবাদ বিজ্ঞপ্তিতে এই তথ্য প্রকাশ করা হয়েছে।

‘জিএইচআই পাস’ তালিকাভুক্ত রাষ্ট্র হিসেবে বাংলাদেশ স্বাস্থ্য খাতে যে সকল কর্মসূচি রয়েছে সেগুলোর সঙ্গে যুক্তরাষ্ট্র সরকারের
স্বাস্থ্যসেবা সংক্রান্ত বিনিয়োগের সামঞ্জস্য করাটাই হবে বাংলাদেশের জন্য স্বাস্থ্য সেবা সহায়তার মূল লক্ষ্য। এই
স্বাস্থ্য সেবা সহায়তার মধ্যে অন্তর্ভুক্ত থাকবে -- মা ও শিশু স্বাস্থ্য, পরিবার পরিকল্পনা, জনসংখ্যা, পুষ্টি,
এইচআইভি/এইড্স, পোলিও, যক্ষা, সংক্রামক রোগব্যাধি, বিশুদ্ধ পানি, পর্যানিক্ষাশন ও পরিষ্কার পরিচ্ছন্নতা এবং

এগুলোর সঙ্গে সংশ্লিষ্ট বিষয়গুলো যেমন লিঙ্গসমতা, পর্যবেক্ষণ করা, মূল্যায়ন ও নজরদারি এবং উপজেলা পর্যায়ে স্বাস্থ্য সেবা ব্যবস্থাকে আরো জোরালো করা।

বাংলাদেশে যুক্তরাষ্ট্র সরকার যুক্তরাষ্ট্র আন্তর্জাতিক উন্নয়ন সংস্থা (ইউএসএআইডি), সেন্টার ফর ডিজিজ কন্ট্রোল (সিডিসি) এবং যুক্তরাষ্ট্র প্রতিরক্ষা বিভাগ (ডিওডি)-এর মাধ্যমে স্বাস্থ্য সংশ্লিষ্ট জটিল সমস্যাগুলোর সমাধানে ও জাতীয় সহস্রাব্দ উন্নয়ন লক্ষ্যমাত্রা অর্জনে সহায়তা করতে বাংলাদেশ সরকারের সঙ্গে কাজ করবে এবং বেসরকারি সংস্থা ও বেসরকারি খাতকে সহায়তা করবে। এই উদ্যোগ কম্যুনিটি ক্লিনিকগুলোর প্রতি মনোযোগ বৃদ্ধি ও বিকেন্দ্রীকরণ, মন্ত্রণালয়ে প্রযুক্তিগত উপদেষ্টাদের সহায়তা প্রদান এবং বাংলাদেশের সবচেয়ে ভূমিকর সম্মুখীন জনগোষ্ঠীগুলোর স্বাস্থ্যমান উন্নয়নে স্বাস্থ্য ব্যবস্থায় উন্নাবনীয় চেতনা প্রবর্তন করার পাশাপাশি স্থানীয় জনগোষ্ঠী পর্যায়ে কাজের পরিমাণ আরো বৃদ্ধি করবে।

বিগত চার বছরে, বাংলাদেশের স্বাস্থ্যখাতে যুক্তরাষ্ট্র সরকারের ব্যয়ের পরিমাণ দ্বিগুণের চেয়েও বেশি বৃদ্ধি পেয়েছে। ২০১১ সালে যুক্তরাষ্ট্র সরকারের মোট স্বাস্থ্য সংশ্লিষ্ট বাজেটের পরিমাণ প্রায় ৭ কোটি ৭০ লক্ষ ডলারে দাঁড়াবে বলে অনুমান করা হচ্ছে এবং এটা ২০০৮ সালের ২ কোটি ৯০ লক্ষ ডলার থেকে প্রায় দ্বিগুণ পরিমাণে দাঁড়িয়েছে। গত ৩০ বছরে স্বাস্থ্য খাতে যুক্তরাষ্ট্র সরকারের সহায়তার পরিমাণ ৭০ কোটি ডলারেরও বেশি এবং অন্যান্য খাতে এই সহায়তার পরিমাণ হলো ‘সাড়ে ৫শ’ কোটি।

=====

জিআর/ ২০১০

দ্রষ্টব্য: এই সংবাদ বিজ্ঞপ্তির ইংরেজি ভাষ্য ‘আমেরিকান সেন্টার’-এ পাওয়া যাবে। যদি আপনি ইংরেজি ভাষ্যটি পেতে আগ্রহী হন, তবে ‘আমেরিকান সেন্টার’-এর প্রেস সেকশনে (টেলিফোন: ৮৮-৩৭১৫০-৮, ফ্যাক্স: ৯৮-৮৫৬৮৮; ই-মেইল: DhakaPA@state.gov এবং ওয়েবসাইট: dhaka.usembassy.gov যোগাযোগ করুন।